

1981

† Gion Crisost Caduff-Berther

Official dil register funsil, Tujetsch



El ei buca pli, il fidau amitg ed attaschau convischin Gion Crisost Caduff. Aunc ei siu maletg presents: sia cumparsa marcanta, sia egliada profunda, sia fatscha cun quei lev surrir. In um moderau e ponderau senza bia plaids. – Pli paupra ei nossa cumisionza. In commember ch'hà influenzau grondamein il svilup dils davos decennis ei ius, laschond anavos ina gronda largia. Ils 13 da settember 1981 ha Gion Crisost stuiu sesuttacumber alla maligna malsogna, a Cuera el spital cantunal.

Il defunct ei naschius ils 31 da december 1913 a Rueras sco secund affon d'ina famiglia da tschun peitschens. Dieunuardi! Co ei era scart da lezzas uras, cuort avon l'emprema uiara mundiala. Con satel ch'ins

stueva viver, con magra che l'existaenza dil pur muntagnard era!

Buca avunda, gia dad otg onns ha Gion Crisost piars siu bien bab, Rest Antoni Caduff. Per cletg ei siu aug, Gion Fidel Caduff, seglius els fiars e gidau la famiglia entochen ch'il grond ei staus ord scola. Ladinamein ha il mattatsch stuiu surprender il puresser e la rolla da caucasa. El ha fatg quei cun bravura ed aposte refretg la maridaglia entochen igl onn 1948. Quei onn ha el spusau la giuvna Barla, feglia da president communal Baseli Berther, Dieri. Quella ha regalau ad el 6 vescals affons, ch'ein adina stai sia luschezia.

Gion Crisost era pur, in incarnau pur muntagnard. A quella clamada, a siu vitg nativ Rueras ei el staus attaschaus entochen la mort. Gion Crisost era buca gl'um per star d'ina vart e schar dar l'aura pils larischs. Bein-gleiti ein ses vischins vegni attents da sias habilitads ed engaschau el per ils pli differents uffecis. Per fatgs da cuminetel e cultura ha il defunct adina priu peda e ses vischins han era saviu appreziar siu saun giudicament.

Il spartiu ei denton buca mo s'engaschaus el stretg vischinadi, el ei era sefatgs meriteivels en fatgs communals e districtuals. Da 1959–1963 ha el administräu igl uffeci da vicepresident communal. Ses votums eran concis e perschuaudents. Cura che la vischnaunca ha midau la constituziun ed introduciu l'autoritat dil Cussegl da vischnaunca, han ils vi-

schins puspei elegiu el honorificamein sco cusseglier. Igl onn 1975 ha el astgau tgamunar quell'autoritat.

Enconuschents ei il Gion Crisost sco official dil register funsil. Il cudisch funsil era sia caussa preferida, e quella lavur fageva el cun veseivel plascher e gronda cunsienziusadad. Igl onn 1962 ha el surpriu quei uffeci da mistral Vigeli Berther ed administräu el entochen la mort. El era survient el ver senn dil plaid. Temps terminau da lavur, quei dev'ei buca, per ses vischins steva el a disposizion da tuttas uras. El ha fatg bia buns survetschs, formulau e secret bia contracts da cumpria e vendita. Con temps ch'el ha unfriu per dominum nostrum sa mo el. Gion Crisost ha adina gudiu nostra cumpleina confidanza, ha cussegliau e gidau tuts, me-reta nies sincer engraziamenti.

Era ordeifer la classena communala ei il defunct s'engaschaus. 1971 ei el vegnius elegius suppleant dalla der-tigira districtuala e 4 onns pli tard han ins tscharniu el per derschader. Tgi ch'ei seconfruntaus cun el sto attestar ch'el era in derschader prudent, ponderau e tuttavia raschuneivel. Ins sa strusch capir. Aunc dacuort mava nies menader dil cudisch funsil di per di sin biro per liquidar las registrazions. Oz spet-g'ins envan, il Gion Crisost vegn buca pli. Ils 16 da settember ha in grond conduct da bara priu corniau dad el.

A sia dunna ed a ses affons exprimin nus nostra sincera condolentscha, al car defunct engraziein nus da cor per tut il prestau a pro dil cuminesser. El rruaussi en pasch!

V.B.